

大清會典

兵部



大清會典

兵部 武庫清吏司



○凡軍器有甲冑之屬。

冑制以革髮漆或浴鐵。前後有梁。梁前橫鐵謂

之遮眉。遮眉上謂之舞擎。舞擎下謂之護額。冑上為覆碗。碗上仰者謂之盃盤。盤以植管。管以受槍。槍周以纓。垂於後者謂之護項。左右謂之護耳。其下謂之護頸。皆敷以棉或鐵鏐。甲制。上衣下裳。衣左右謂之護肩。護肩下謂之護腋。護肩末謂之袖。裳間前謂之前襠。左謂之左襠。裳幅分左右。凡十有一屬。均敷鐵鏐。敷棉者謂之棉甲。敷鐵鏐於外者謂之明甲。親王郡王冑。頂

鏤金火燄。銜寶石或珊瑚綠松石。承以金雲。下為金立龍二。飾寶石各一。又下為金銜珊瑚圓珠。又下為金垂雲寶蓋。貫槍植管。周垂薰貂纓十八。紅緞裏管銜金葉四。承以圓盤。及盤下金座皆鏤龍。胄前後梁亦鏤龍。飾以雜寶。梁左右金梵文三重。上重八。次七。間以金瓔珞。次二十。舞擎亦鏤龍。飾以雜寶。護額浴鐵。鍍金龍護項石青鑲子。錦表。月白緞裏。石青倭緞綠。護耳護頭亦如之。中敷鐵鏢。外飾金釘。繫青緞帶六。胄襯。石青緞表。月白綢裏。頂緞紅絨。貝勒貝子固倫額駙。胄頂銜素金寶蓋。盤座俱鏤花。垂薰貂纓十四。餘如親王郡王之制。入八分公。胄頂植蜜鼠尾。寶蓋盤座俱髹以漆。鍍金花及雲龍。垂貂尾纓十二。梁及舞擎亦髹漆。鍍金雲龍。梁左

右無梵文。餘如親王郡王之制。領侍衛內大臣都統前鋒統領護軍統領總督巡撫提督。胄頂植鵬翎二。銜鏤花金葉。寶蓋盤座俱髹漆。鍍金花及雲龍。周垂貂尾纓十二。梁及舞擎亦髹漆。鍍金雲龍。護頂護耳護頭。皆石青緞表。藍布裏。通繡蟒五。中敷鐵鏢。外布銀釘。繫石青緞帶二。胄襯。石青緞表。藍綢裏。頂緞紅絨。內大臣和碩額駙。郡主額駙。散秩大臣。胄頂植蜜鼠尾。周垂朱釐。公侯伯子男。文武一品文。二品副都統。鎮國將軍。輔國將軍。奉國將軍。奉恩將軍。縣主。額駙。總兵。胄頂植薰獺尾。周垂朱釐。文三品至五品。驍騎。叅領。郡君。額駙。縣君。額駙。鄉君。額駙。副將。胄頂植獺尾。周垂朱釐。寶蓋盤座前後梁及舞擎。俱鍍銀雲龍。餘並如領侍衛內大臣等官。

之制。侍衛鑾儀衛官冑。頂植豹尾。前鋒叅領護軍叅領前鋒侍衛垂黑氅。文六品以下武叅將以下垂朱氅。不鍔飾。護耳。護項。護頭。不加繡文。王府長史冑。頂植狻猊。周垂黑氅。王府護衛冑。頂植狻猊。餘並如文三品以下等官之制。前鋒校護軍校冑。頂植鐵鐔。周垂朱氅。寶蓋以下俱素鐵。護項。護耳。俱白緞表。素裏。紅片金。及石青布緣二重。中敷鐵鐔。外布黃銅釘。冑襯石青緞表。藍布裏。頂綴紅絨。驍騎校冑。頂周垂黑氅。護項。護耳。俱表以緞。色各從其旗。其綠色鑲黃鑲白鑲藍三旗用紅。鑲紅旗用石青。正黃正白正紅正藍四旗。皆如表色。前鋒護軍綠營兵。盛。護項。護耳。俱青布表。月白裏。緣如表色。不加采繡。馬甲盛。周垂黑氅。護項。護耳。俱表以布。色

各從旗。綠色與驍騎校同。餘並如前鋒護軍校之制。護軍校棉盛。以革為之。髻以漆。頂植銅鐔。周垂朱氅。惟正紅旗黑氅。飾皆黃銅。護項。護耳。俱白緞表。藍綢裏。緣如表色。中敷棉。外布黃銅釘。驍騎校棉盛。頂周垂黑氅。護項。護耳。皆石青緞表。前鋒護軍棉盛。周垂朱氅。護項。護耳。皆綢表布裏。外布白銅釘。盛襯。石青布表。馬甲礮甲鹿角兵棉盛。周垂黑氅。護項。護耳。皆綢表。色從其旗。藍布裏。其綠色。鑲黃鑲白鑲藍三旗用紅。鑲紅旗用白。正黃正白正紅正藍四旗皆如表色。外布白銅釘。餘並如護軍校棉盛之制。武狀元盛。鍊銅為之。不鏤花文。頂植三梁。下為圓珠。貫槍植管。周垂朱氅。前後梁加鳳首。旁為鳳翼。護項。護耳。俱貝文銅鐔。紅片金緣。紅布裏。親王

郡王甲。石青鑲子。錦表。月白綢裏。中敷鐵鏢。外布金釘。青倭緞緣。裳幅鐵鏢四重。護肩接衣處鐵鏢十四。周以鍍金雲龍。飾珊瑚綠松青金石各一。前懸護心鏡。緣金黃色。貝勒貝子固倫額駙入八分公甲。緣用石青色。餘如親王郡王之制。領侍衛內大臣。內大臣。和碩額駙。郡主額駙。鎮國將軍。輔國將軍。奉國將軍。奉恩將軍。八旗都統。副都統。前鋒統領。護軍統領。散秩大臣。隨旗行走之公侯伯子男。縣主額駙。文武一品。文二品。各省督撫提鎮甲。石青緞表。藍布裏。中敷鐵鏢。外布銀釘。石青倭緞緣。前後及護肩護腋前襠左襠各繡團蟒一。裳幅團蟒二。護肩接衣處鐵鏢二十。髮漆鍍金龍甲。緣石青色。文三品以下。驍騎叅領。郡君額駙。縣君額駙。鄉君額駙。

各省副將以下甲。前後及護肩各繡團蟒一。裳幅團蟒二。侍衛鑾儀衛所屬官。前鋒護軍叅領。前鋒侍衛。王府長史護衛典儀甲。前後及護肩各繡團蟒一。裳幅鐵鏢四重。護肩接衣處鍍銀雲龍。餘並如領侍衛內大臣等官之制。前鋒護軍校甲。白緞表。素裏。無袖。中敷鐵鏢。外布黃銅釘。紅片金及石青布綠二重。前後繡蟒各一。通繡蓮花。裳幅鐵鏢三重。驍騎校甲。表及綠各從旗色。前鋒護軍及綠營兵甲。青布表。月白裏。綠如表色。馬甲。表及綠各從旗色。餘如前鋒護軍校之制。護軍校棉甲。白緞表。藍綢裏。綠如表色。中敷棉。外布黃銅釘。上衣下裳。左右袖護肩。護腋前襠左襠皆全。驍騎校棉甲。石青緞表。前鋒護軍棉甲。石青綢表。藍布裏。外布白銅釘。餘

如護軍校之制。馬甲棉甲。表裏綠。各如旗色。餘如前鋒之制。馱甲鹿角兵棉甲。無裳及左襠。餘如馬甲之制。武狀元甲。鍊銅為之。紅綢裏。紅片金緣。通簇貝文銅鏃。兩袖銅鏃四重。裾下周結綠縹。下垂紅。有弓矢之屬。凡弓幹。用榆木或櫟。綾四十行。木。南方或削竹。長三尺七寸。面傅牛角。背施筋膠。外飾樺皮。幹一而角兩接。接處加鹿皮。固以筋膠。煖木皮裏之。謂之弣。兩梢用桑。長六寸三分。傅以牛角。鏤其末以受弦。弣。梢幹之間為弦床。謂之墊弦。親王以下至奉恩將軍。飾以鹿角。職官兵丁。飾以鯨皮。弦有二。用諸習射者曰纏弦。以絲二十餘莖為骨。外用絲線橫纏之。纏線分三節。每七寸許空一二分不纏。用諸戰陣者曰皮弦。剪鹿皮為之。

弓之強弱。視其幹面厚薄。筋膠輕重。一力至三力。用筋八兩。膠五兩。四力至六力。用筋十四兩。膠七兩。七力至九力。用筋一斤四兩。膠九兩。十力至十二力。用筋一斤十兩。膠十兩。十三力至十五力。用筋二斤。膠十二兩。十六力至十八力。用筋二斤六兩。膠十四兩。矢奇長三尺。別用數寸之木為箭端。鏤其末以為括。括受弦而端受鏃。親王以下至奉恩將軍。奇用樺木。首飾樺皮。皂鵬羽。括髮朱。職官兵丁。奇用柳木。或樺木。首飾鶴羽。鏃以鐵為之。曰鈇箭。曰梅針箭。戰陣用之。以寸木空中鑽孔。發則受風而鳴。曰鼗箭。亦名響箭。教閱用之。鐵鏃上加骨用小哨者。曰哨箭。圍獵用之。親王郡王於羽間書爵。貝勒以下書爵及名。職官書銜名。兵丁書名。撒袋。親王郡

王以青倭緞為之。紅檀裏。綠革緣。飾鏤金花文。銜紅寶石。或綠松石青金石。繫金黃綾。懸以金黃帶。紅片金裏。金版九。銜飾亦如之。貝勒以下至入八分公撒袋。繫石青綾。餘如親王郡王之制。一二品官撒袋。以革為之。白罽裏。綠革緣。加紅黃線三道。各綴鏤二。懸革帶。藍布裏。前繫以鈎。左右及後帶版各一。帶及鏤皆鐵質鍍金。三品至五品官撒袋。紅織絨裏。帶及鏤皆鐵質。鍍銀塗金。餘如一二品官之制。六品以下官撒袋。綠加紅黃線二道。帶及鏤皆銅質鏤花。餘如三品以下官之制。兵丁撒袋。黑革緣。帶及鏤皆銅質。不鏤花。餘如六品以下官之制。

### 有鎗

礮之屬。

火器之屬。大者為鎗礮。兵丁鳥鎗鑄鐵為之。長六尺一寸。不鏤花文。素鐵火機。

受藥三錢。鐵子一錢。木床。滿洲蒙古髮以黃。漢軍髮以黑。綠營髮以朱。束鐵鏢二。鐵叉長一尺。金龍礮。前弁後豐。底如覆笠。重自二百八十斤至三百七十斤。長自五尺八寸至六尺。通髮以漆。前鍍金龍火珠。後鍍金回文蕉葉文。夔龍。底鍍金花文。隆起四道。旁為雙耳。受藥自六兩五錢至八兩。鐵子自十三兩至十六兩。制勝將軍礮。前弁後豐。底分瓜棱。重五百斤。長五尺。不鏤花文。隆起四道。近口為照星。用藥一斤八兩。生鐵子三斤。威遠將軍礮。前哆後斂。形如仰鐘。重七百五十斤。長二尺五寸。口鏤花文。周鑄梵文。中雙魚形。隆起五道。底橫連鐵軸。受藥自八兩至六斤。鐵子自三十斤至三十五斤。神威大將軍礮。前弁後豐。底少斂。重三千八百斤。長八尺。

五寸。不鏤花文。隆起四道。受藥五斤。鐵子十斤。神威無敵大將軍礮。前弁後豐。底如覆盂。重自二千斤至三千斤。長自七尺三寸至八尺。不鏤花文。隆起五道。受藥自三斤至四斤。鐵子自六斤至八斤。神威將軍礮。前弁後豐。底如覆筮。重四百斤。長六尺七寸。不鏤花文。隆起五道。近口為照星。用藥八九兩。鉛子十八兩。武成永固大將軍礮。前弁後豐。底如竹節。重自三千六百斤至七千斤。長自九尺六寸至一丈一尺一寸。雜鏤花文。蕉葉回文。隆起十道。皆鏤星文。近口為照星。用藥十斤。生鐵礮子二十斤。神功將軍礮。前弁後微豐。底如覆筮。重千斤。長七尺。不鏤花文。隆起五道。近口為照星。用藥一斤十二兩。生鐵礮子三斤。得勝礮。前弁後豐。口如銅角。重三

百六十五斤。長六尺三寸。通髹以漆。不鏤花文。隆起三道。旁為雙耳。受藥六兩。鐵子十二兩。九節十成礮。前分九節。後加底。各有螺旋。分負以涉險遠。用時合成之。重自七百九十斤至七百九十八斤。長自五尺一寸至六尺九寸。底環螭三。每節飾獸面三。受藥自一斤四兩至一斤八兩。鐵子二斤八兩。渾銅礮。前弁後微豐。底如覆筮。重自一千二百斤至二千一百斤。長自六尺至六尺一寸。不鏤花文。隆起九道。旁為雙耳。受藥自一斤十二兩至二斤八兩。鐵子自三斤八兩至五斤。臺灣礮。前弁後微豐。口形如鉢。重自三百斤至七千斤。長自四尺三寸至一丈二寸。雜鏤花文。蕉葉文。蟠螭人獸形。隆起十道。中為龍文雙鈕。受藥自一斤一兩至十斤。鐵子自二



斤二兩至二十斤。自金龍礮以下。皆鑄銅為之。鐵心銅礮。鑄銅為體。內以鐵。前弁後微豐。口如螺旋。重一百十斤。長五尺六寸。青綠色。不鏤花文。隆起六道。受藥二兩四錢。鐵子四兩八錢。衝天礮。前哆後斂。形如仰鐘。重自三百斤至三百八十斤。長一尺九寸。隆起五道。旁為雙耳。近耳鏤花文。受藥自六兩至一斤。鐵子二十斤。子母礮之制有二。其一前弁後豐。底如覆笠。重九十五斤。長五尺三寸。通槩以漆。不鏤花文。隆起五道。加星斗。旁為雙耳。子礮五如管。連火門。各重八斤。受藥二兩二錢。鐵子五兩。礮面開孔與子礮相稱。用時內之。固以鐵鈕。其一重八十五斤。長五尺八寸。末加木柄。後曲而俯。餘皆如前制。嚴威礮。前弁後豐。底如覆笠。重三百十斤。長五

尺。不鏤花文。隆起五道。旁為雙耳。受藥十兩。鐵子一斤四兩。紅衣礮。前弁後豐。底圓而淺。重自一千五百斤至五千斤。長自六尺六寸至一丈五寸。中鏤雲螭。隆起八道。旁為雙耳。受藥自二斤六兩至七斤八兩。鐵子自五斤至十五斤。龍礮。形如金龍。重一百斤。長四尺五寸。通槩以漆。口鏤金蟬文。中為雲龍。近後為蟠螭。隆起六道。加星斗。旁為雙耳。受藥二兩四錢。鐵子五兩二錢。奇礮。後通底。旁如牡鑰。重三十斤。長五尺五寸六分。通槩以漆。不鏤花文。近口為照星。中加斗。素鐵火機。旁為雙耳。子礮四如管。連火門。受藥自九錢至一兩。鐵子二兩六錢。後加木柄。曲而俯。下為屈戍。開柄以內子礮。信礮。上下若一。重自四十斤至八十斤。長自一尺六寸至一

尺八寸。不鏤花文。隆起四道。自衝天礮以下。皆鑄鐵為之。凡火器之小者。曰銃。曰火輓。曰火球。曰火箭。曰噴筒。曰火罐。其大小輕重長短各有差。

### 有刀斧之屬

親王郡王佩刀。

刃長二尺二寸五分。濶一寸四分。登為鐵盤。鍍金厚二分。柄長四寸三分。木質纏金黃絲。末銚以鐵。亦鍍金。繫金黃綾。室長二尺五寸。木質髹漆。繪五色蓮花。飾珊瑚珍珠青金石綠松石。貝勒以下至八分公佩刀。柄纏青絲。繫石青綾。餘如親王郡王之制。職官佩刀。刃長二尺二寸。濶一寸三分。登為鐵盤。鍍金厚二分。柄長四寸二分。木質纏線。藍色。末銚以鐵。亦鍍金。繫藍綾。室長二尺五寸。木質裹革。飾皆鐵質鍍金。兵丁佩刀。飾皆黃銅。餘如職官佩刀之制。雲梯刀。刃

長二尺三寸。柄長三寸二分。餘如兵丁佩刀之制。前鋒左翼順刀。銳首。中起脊如劍。刃長八寸。濶一寸。柄長四寸。木質塗黃油。末銚以鐵。室長九寸。木質裹革。兩端銚鐵。中束鐵二道。右翼順刀。中不起脊。刃長八寸。濶一寸。梨木柄長三寸。末銚以鐵。繫藍綾。室長九寸。木質裹革。近口束以鐵。前鋒左翼鐮刀。形如鋤。刃削背俯。橫置柄首。自刃至背五寸八分。榆木柄長一尺三寸。圍二寸二分。末穿孔繫藍綾。右翼鐮刀。形如左翼。鐮微濶。自刃至背五寸。樺木柄長一尺二寸。圍二寸。末裹煖木。亦穿孔繫藍綾。藤牌營副刀。刃長二尺二寸。濶一寸。登為鐵盤。厚二分。柄長五寸八分。木質髹朱。末銚以鐵。繫藍綾。挑刀。刃長二尺二寸。濶一寸五分。上銳而仰。登為鐵盤。厚

二分。柄長五尺。圍四寸六分。木質髹朱。末鐵鐏長四寸。綠營偃月刀。刃長二尺四寸五分。上豐而仰。背為歧刃。銜以龍口。高一寸五分。釜為鐵盤。厚二分。柄長四尺二寸八分。圍五寸二分。木質髹朱。末鐵鐏長四寸。撲刀。刃長一尺四寸。上濶二寸四分。下半之。釜為鐵盤。厚二分。柄長五寸。木質纏紅黃革。末銚以鐵。繫藍綫。斬馬刀。形如佩刀。刃長三尺四寸。濶一寸五分。釜為鐵盤。厚二分。柄長一尺三寸八分。木質纏紅黃革。末銚以鐵。繫藍綫。室長三尺五寸。木質裏革髹朱。飾以鐵。長刃大刀。刃長三尺三寸。濶一寸五分。柄長一尺八寸。室長三尺二寸。髹以漆。餘皆如斬馬刀之制。寬刃大刀。刃長二尺五寸。上濶三寸。下半之。釜為鐵盤。厚二分。柄長四尺。圍四寸。

六分。木質髹朱。末鐵鐏長四寸。寬刃刷刀。刃長二尺四寸。上濶二寸四分。下濶一寸四分。釜為鐵盤。厚二分。柄長二尺二寸。圍三寸一分。木質纏紅藍線。末銚以鐵。雙手帶刀。刃長二尺七寸。濶一寸五分。釜為鐵盤。厚二分。柄長一尺五寸。木質纏紅藍線。末銚以鐵。室長二尺八寸。木質裏綠革。飾以鐵。背刀。刃長二尺三寸。濶一寸三分。釜為鐵盤。厚二分。柄長八寸。木質纏綠線。末銚以鐵。繫藍綫。室長二尺四寸。木質髹朱。飾以鐵。片刀。刃長二尺。濶一寸三分。上銳而仰。釜為鐵盤。厚二分。柄長四尺七寸。圍四寸。木質髹朱。末鐵鐏長四寸。虎牙刀。刃長二尺七寸。濶一寸一分。釜為鐵盤。厚二分。柄長與刃等。圍三寸七分。木質髹朱。末鐵鐏。窩刀。刃長二尺六寸。濶一

寸。登為鐵盤。厚二分。柄長八寸。木質縛藤或纏  
革。髹綠。末鈗以鐵。繫藍縷。室長二尺七寸。木質  
裏綠革。飾以鐵。船尾刀。刃長二尺二寸。濶一寸。  
登為鐵盤。厚二分。柄長一尺二寸。圍三寸一分。  
木質髹朱。末鐵鍍。割刀。刃橫長一尺四寸。濶一  
寸。前曲而俯。登長二寸。柄長五尺。圍三寸一分。  
木質髹朱。繚風刀。刃橫長一尺。濶一寸。登長二  
寸。柄長一丈。圍三寸一分。木質髹朱。滾被雙刀。  
刃長一尺六寸。濶一寸。登為半規。厚二分。並納  
於室。柄長四寸九分。木質纏紅絲。末鈗以鐵。繫  
藍縷。室長一尺七寸。木質裏革。飾以銅。繫藍縷。  
以銅鈎佩之。斧。鍊鐵為之。前鋒左翼斧。刃如半  
月。背削而長。刃徑四寸。鍍銀龍火珠。背濶一寸  
一分。自刃至背四寸五分。橫置柄首。榆木柄長

一尺二寸。末鈗以鐵。右翼斧。刃平背微狹。刃濶  
三寸四分。背濶二寸。自刃至背三寸二分。橫置  
柄首。樺木柄長一尺。末裏煖木皮。穿孔繫藍縷。  
綠營長柄斧。自背至刃八寸五分。刃徑七寸。背  
徑四寸。厚一寸。橫置柄首。柄長四尺。木質髹朱。  
雙斧。刃如半月。背方。刃徑各四寸六分。背徑一  
寸五分。厚四分。自刃至背四寸五分。橫置柄首。  
柄長一尺六寸。木質髹朱。鉞。鍊鐵為之。刃如半  
月。背圓而俯。刃徑四寸六分。背徑二寸四分。自  
刃至背四寸七分。橫置柄首。柄如雙斧之制。

### 有矛戟之屬。

如柳葉形。柄長一丈。木質髹朱。末

鐵鑄長三寸。戟。鍊鐵為之。援首三折。長一尺一  
寸。胡外曲徑八寸。中二鉅各橫二寸五分。柄長

六尺。木質髹朱。末鐵鐔長四寸。虎槍。刃長九寸。圭首。中起稜。柄長七尺四寸。白蠟木為之。柄首繫鹿角二。長一寸。末角鍛。刃蒙革囊。樺皮裏。繫革帶負之。健銳營長槍。刃長九寸。圭首。中起稜。木柄長九尺。圍四寸六分。旁銜鐵。刃如刀。貼於槍下。長一尺四寸。濶五分。下綴木圓珠。注黑釐。末鐵鐔長四寸。護軍馬甲長槍。刃長一尺一寸。釜為鐵盤。厚二分。下注朱釐。木柄長一丈二尺二寸。末鐵鐔長四寸。綠營長槍。刃長七寸。柄長一丈三尺。圍三寸七分。木質髹朱。注朱釐。末鐵鐔長三寸。火燄槍。直刃上出長七寸。旁刃十。為火燄形。釜長四寸。柄長五尺五寸。圍四寸。木質髹朱。末鐵鐔長四寸。鈎鎌槍。刃長八寸。上銳。旁刃曲向內。徑二寸。柄長六尺。圍四寸。木質髹朱。

末鐵鐔長四寸。雙鈎鎌槍。兩旁刃曲向內。柄長七尺。圍二寸七分。木質裏樺皮。餘如鈎鎌槍之制。虎牙槍。刃長七寸。圭首起稜。兩旁短刃向內。如虎牙。各一寸七分。注朱釐。柄長八尺。圍二寸八分。木質髹朱。末鐵鐔長四寸。蛇鎌槍。刃長八寸。圭首下綫。兩旁橫刃三折如蛇行。徑七寸。柄長六尺。圍四寸。木質髹朱。末鐵鐔長四寸。雁翎槍。刃長八寸。圭首下平。兩旁刃如雙鈎鎌槍而濶。徑五寸。柄如蛇鎌槍之制。十字鎌槍。直刃長六寸。橫刃徑一尺。皆圭首。相交如十字形。柄長四尺。圍三寸一分。木質髹朱。火鎌槍。管長八寸。以受火藥。管端橫鐵。兩末加刃。一前一却。前刃為槍長四寸。却刃為鎌長三寸。釜長四寸。周傳小箭四。各長二寸。以藏蒺藜。下鈗以鐵。柄長八

尺。攢竹髮朱。梨花槍。雙刃相並。各長五寸。旁為橫刃二。各徑六寸。下施竹筩。長二尺六寸。彩繪花文。束鐵三道。中藏狼烟。柄長三尺八寸。木質髮朱。末鐵鐔長四寸。手槍。刃長五寸七分。上銳。柄長二尺九寸。攢竹裏樺皮。末骨鐵。釘槍。刃長一尺。上銳。以藤縛於柄端。柄長一丈四尺。攢竹髮朱。馬义。鍊鐵為之。中刃長一尺二寸。圭首。兩旁歧刃各橫四寸。縱一尺。登穿鐵盤三。柄長五尺。木質髮朱。末鐵鐔長四寸。攢有鳳翅攢五齒。攢。皆鍊鐵為之。鳳翅攢。直刃如戟。長七寸。橫刃如蛇鐔。徑一尺二寸。登穿鐵盤三。柄長六尺。木質髮朱。末鐵鐔長四寸。五齒攢形如馬义。旁多二刃。三鬚鈎。鍊鐵為之。鈎長各七寸。分置三面。下曲如雞距。竹柄長一丈五尺。髮朱。束藤八道。

挽形如鋤。亦鍊鐵為之。長五寸。斜置柄首。竹柄長一丈二尺。

### 有椎槌之屬。

推形

如瓜棱。長六寸。柄長一尺三寸。木質髮朱。繫藍綾。鐔長二尺一寸。圭首方棱。登為鐵盤。厚一分五釐。柄長六寸。木質髮朱。鈎以鐵。椎與鐔皆鍊鐵為之。左右雙持。鈎有月牙鈎。通天鈎。月牙鈎。鍊鐵為之。中刃長四寸八分。上銳。兩旁刃如月弦。距五寸。柄長三尺九寸。木質髮朱。通天鈎。劓木為之。中為圭首。長一尺。橫為半規。皆塗銀。兩旁施鐵齒。上下各三。長一寸四分。柄長六尺。髮朱。鐔有犁頭劓鐵斗劓。皆鍊鐵為之。犁頭劓。形如犁。刃長五寸。上銳。下濶三寸。柄長三尺。木質髮朱。鐵斗劓。刃長四寸。上銳。兩旁曲刃向內。徑三寸七分。柄與犁頭劓同。棍有漢軍連鞞棍。長

一尺五寸八分。加長七寸五分。圍二寸五分。皆塗黃油。兩端鈗以鐵。首各加鐶。以鐵索相連為一具。有綠營棍。長五尺四寸。圍四寸六分。通繫黃。兩端鈗以鐵。有虎頭棍。長四尺。圍四寸八分。通繫黃。**有蒙盾之屬。**盾。削木為之。長二尺六寸。上濶一尺六寸。下濶一尺三寸。通繫藍。繪龍首。背繫朱。橫木二道。繫藤挽之。藤牌。編藤為之。形圓中凸。簷徑二尺六寸。高八寸。采繪虎頭。中綴朱纓。背施鐶二。以挽之。虎頭牌。長二尺九寸。上濶一尺五寸。下濶一尺一寸。蒙以革。面繪虎頭雙爪。背橫木二道挽之。燕尾牌。上正方。下歧出如燕尾。長二尺三寸。濶九寸。通繫藍。面繪虎頭雙爪。背繫朱。穿帶挽之。挨牌。長六尺四寸。上為仰月形。濶二

尺四寸。下濶一尺八寸。通繫黃。繪虎頭雙爪。背如燕尾牌之制。圓木牌。徑二尺一寸。中繫藍。繪虎頭。周繫紅黃斑文。背亦繫朱。繫藤挽之。戰被。以墨色布為之。凡三等。長一丈至一丈五尺。濶一丈至一丈二尺。面繪飛虎。周以火燄。中敷棉。背綴革以挽之。滾被。用藍布為之。長五尺五寸。濶四尺。背綴革。繫藤以挽之。餘如戰被之制。鹿角。規木為之。橫木一。長八尺。圍四寸。斜木八。長五尺五寸。圍一寸五分。皆貫橫木。**有梯衝之屬。**當斜木之半。首尾相屬。塗以黃油。雲梯。規木為之。高二丈二尺。旁植木二。中施橫木二十四道。上濶一尺二寸。下濶二尺。首加橫木。兩端施鐵輪。別以木柄鐵叉二推之。**有金鼓之屬。**金。範銅為之。面平徑一尺。

五寸三分。深二寸。旁穿二孔。以繩繫於木柄提之。擊以椎。形如瓜。以葦為之。末穿藍綫。鼓。木匡。冒革。面徑一尺六寸二分。中圍一尺八寸二分。厚七寸二分。面繪龍。匡綠緣朱。繪花文。上下飾銅釘二層。匡半銅鑲四。承以髮朱架。高三尺五寸五分。四柱相距二尺七分。繪花文。柱半各以銅鈎附鑲平懸之。柱端刻花文。高四寸四分。下橫木交十字。以樞合之。擊以雙木椎。海螺。刻蟲吹之。以為有旗帳之屬。八旗各營都統領參進止之節。領佐領及駐防將軍都統領。綠營督撫提鎮。皆以緞為之。其有副纛者。以紡絲為之。八旗都統纛。各從旗色。鑲黃鑲白鑲藍三旗。皆紅緣。鑲藍旗白緣。皆左平右剡。銷金流雲行龍。繆徑五尺。中徑六尺四寸。上下徑

各四尺六寸。綠銷金火毖。周濶八寸。正黃正白正紅正藍四旗。不加綠。俱正幅。亦銷金流雲行龍。繆徑五尺。旂徑五尺八寸。杆以竹。繫朱東藤。長一丈三尺。首冠鍍銀釵花頂。注朱釐。惟正紅旗黑釐。末鐵罇長四尺。旁施鍍金鑲。穿革植纛。護軍統領纛。邪幅。銷金雲龍。繆徑四尺八寸。旂徑五尺五寸。綠為火毖形。餘如都統纛之制。前鋒參領纛。左翼鑲黃紅綠。右翼正黃俱正幅。銷金雲龍。環以火毖。繆徑五尺。旂徑五尺一寸。杆長一丈一尺。首加黃影帶。亦銷金火毖。餘如都統纛之制。護軍參領纛。斜幅。銷金雲龍。繆徑六尺五寸。旂徑九尺一寸五分。綠濶八寸。杆首冠鍍銀鐵輪。加白緞影帶。銷金為火毖形。餘如都統纛之制。驍騎參領纛。正幅。三面為火毖形。繆



徑四尺九寸。旂徑六尺一寸。餘如都統纛之制。藤牌營參領纛。正幅。銷金飛熊。環以火燄。纒徑五尺二寸。旂徑五尺六寸。杆長一丈二尺五寸。首冠鍍銀釵花頂。加白緞影帶。餘如驍騎參領纛之制。滿洲蒙古佐領纛。不施繪繡。首注黑釐。餘如都統纛之制。漢軍佐領纛。銷金飛虎。杆首冠鍍銀鐵輪。餘如都統纛之制。駐防將軍都統副都統纛。有鑲黃。有正黃。有正白。俱如八旗都統纛之制。督撫提鎮纛。綠色斜幅。銷金雲蟒或飛熊。纒徑八尺。旂徑五尺八寸。旂及邪徑皆為火燄形。杆以竹。髹朱。長一丈四尺。首冠釵花鐵頂。承以圓革。注朱釐。加綠緞影帶。為火燄形。銷金雲蟒。餘如都統纛之制。前鋒校旗。護軍校旗。驍騎校旗。領催旗。大帥旗。什長旗。皆以緞為之。

其有副旗者。以紡絲為之。左右翼前鋒校旗。方幅。銷金飛虎。纒徑二尺三寸。旂徑一尺八寸。色及綠如都統纛。杆以竹。髹朱末藤。長六尺。健銳營前鋒校旗。纒徑一尺九寸。旂徑二尺二寸。杆長五尺二寸。餘俱如前鋒參領纛之制。八旗護軍校旗。斜幅。不施繪繡。纒徑一尺六寸。旂徑一尺七寸。杆以竹。髹朱末藤。長五尺五寸。首冠釵花鐵頂。末包革。繫繩植旗。餘如都統纛之制。火器營護軍校旗。斜幅。銷金雲龍。環以火燄。纒徑二尺二寸四分。旂徑三尺五寸。綠濶三寸五分。白緞影帶。亦銷金火燄。長三尺五寸四分。色及綠如都統纛。杆如左右翼前鋒旗之制。驍騎校旗。正幅。銷金雲龍。纒徑一尺八寸四分。旂徑二尺六寸五分。綠為火燄形。濶三寸五分。白緞影

帶亦銷金火燄長三尺五寸四分。色及綠如都統纛。杆如左右翼前鋒旗之制。滿洲蒙古領催旗。鑲黃旗斜幅。纒徑二尺二寸。旂徑三尺三寸。鑲白鑲紅鑲藍三旗俱左平右剡。纒徑二尺二寸。中徑二尺九寸。上下各徑二尺。正黃正白正紅正藍四旗俱正幅。纒徑一尺九寸六分。旂徑二尺九寸。綠濶三寸三分。皆不施繪繡。杆以竹。髹朱束藤。長六尺七寸。首冠鍍銀鐵壺盧頂。注黑麓。末包革。繫繩植旗。色及綠俱如都統纛之制。漢軍領催旗。鑲黃鑲白鑲紅鑲藍四旗俱左平右剡。纒徑二尺二寸。中徑二尺九寸。上下各徑二尺。正黃正白正紅正藍四旗俱正幅。纒徑一尺九寸六分。旂徑二尺九寸。皆銷金雲龍。色及綠俱如都統纛。餘如滿洲蒙古領催旗之制。

藤牌營領催旗。纒徑一尺八寸四分。旂徑二尺六寸五分。綠濶三寸五分。杆長六尺七寸。影帶長三尺三寸。餘如藤牌營叅領纛之制。大帥旗。黃布為之。正幅。書帥字漢文。纒徑一丈八寸。旂徑一丈四尺。杆以竹。髹朱束藤。長一丈六尺。首冠木壺盧頂。加藍布影帶。剡角。長一丈五尺。什長旗。綠色。纒徑二尺三寸六分。旂徑二尺九寸六分。杆長六尺九寸。影帶長四尺。餘如督撫提鎮纛之制。凡駐防營旗纛之色。盛京西安江寧綏遠城伊犁將軍熱河察哈爾都統皆用鑲黃。吉林寧夏杭州福州將軍歸化城張家口山海關青州副都統皆用正黃。黑龍江荊州成都廣州將軍密雲涼州副都統皆用正白。其將軍都統兼轄之副都統各視將軍都統旗色。凡帳

房之制。王貝勒貝子氈帳。穹頂銜椽。幕以白氈。承椽以斜竹相交為牆。皆繫朱。外圍白氈。下圍朱簾。頂高九尺。牆高四尺。徑一丈四尺。帳外周設藍布城。職官帳房。藍布為之。如人字形。單裕惟宜。縱六尺四寸。橫一丈二尺。上施梁為脊。承以兩柱。各高六尺五寸。幕布斜垂至地。下加垂檐七寸。兩端皆圍以布。左當柱中分以便出入。兵丁帳房。白布為之。如職官帳房之制。各

辨其等與其式。頒則定以數。

八旗各營需用軍械。移文各承辦處。

製給。或給銀令其自製。各省綠營軍械。動支錢糧造給。報部覈銷。陵寢宮門。各給弓箭。撒袋。弓由八旗存貯。弓內挑選送部給發。箭由武備院送部給發。撒袋等項。均由工部製給。凡

營內豫備火藥。酌量每年應用之數。動公製造。潮濕地方。豫備三年。高燥地方。豫備五年。加謹收貯。每年出陳易新。造冊報部。如遇該管官陞遷事故。入於交代。有虧缺者。勒賠議處。各營兵丁操演時所需鉛彈火藥。設有定數。或欲令多放數次。准將實用之數銷算。凡王公弓矢之數。親王弓十矢三千。世子弓九矢二千五百。郡王弓八矢二千。長子弓七矢千七百。貝勒矢千五百。貝子矢千。弓皆六。鎮國公矢七百。輔國公矢六百。弓皆四。鎮國將軍矢四百。輔國將軍矢三百。奉國將軍矢二百。奉恩將軍矢百七十。弓皆二。八旗世爵暨文武職官。各備甲一胄一弓二撒袋一佩刀一矢。各視其秩。公五百五十。侯五百。伯四百五十。子四百。男三百五十。輕車都尉

二百五十。騎都尉二百。雲騎尉百五十。武官一品至五品。視子男以下。六品以下。矢均百。文職三品。京堂。視武二品。四品。京堂。科道郎中。視武三品。員外郎。視武四品。主事。鳴贊。廕監生。視武五品。筆帖式。視武六品。世爵中官。大於爵者。照官。爵大於官者。照爵。其文職三品以下。不兼武職者。不備甲冑。直省督撫提鎮及副將。叅將以下。應備弓矢甲冑。各視品秩。與八旗武職同。八旗護軍前鋒。領催各給箭七十。馬甲五十。步兵三十。其甲冑弓撒袋腰刀各一。護軍營。驍騎營。每二兵給長槍一。火器營。鳥鎗前鋒。鳥鎗護軍。鳥鎗兵。每名給鳥鎗一。藤牌兵。各給藤牌一。副刀一。挑刀兵。各給挑刀一。棉甲兵。各給連韃棍一副。護軍營。每旗設海螺三十六。前鋒營。左右

翼各設海螺八。火器營。每旗設隨礮海螺五。鳥鎗護軍。鳥鎗兵。每旗設海螺十有四。驍騎營。每佐領下設海螺一。每叅領下設海螺二。漢軍鳥鎗營。礮營。每旗設鼓一金五。藤牌營。每旗設海螺五。漢軍八旗。礮局。外省大礮。以兵千名。設十礮。為率。郡邑城守邊海要隘及水師戰船。各貯礮於其所。兵少及非險要處。貯礮於督撫提鎮駐劄之地。需用乃發。直省各營馬步兵。應給甲冑腰刀等。與八旗同。其金鼓海螺鹿角。隨營之大小。兵之多寡。以酌設。若出師。給官兵鍋帳之數。一品官。並蒙古王公頭等台吉。連隨役四頂副。二品官。二三等台吉。三頂副。四五品官。四等台

吉。二項副。六品以下官。一項副。俱連隨役。兵四名。鄉勇五名。長夫十名。各合給一項副。隨營各官。照此給與。又隨圍王公大臣應帶梅針箭。親王二百。世子郡王郡王長子貝勒貝子鎮國公。每降以十。輔國公七十。鎮國將軍輔國將軍奉國將軍奉恩將軍每降以十。民公八十。侯伯一品官二品官三品官亦每降以十。又滿洲蒙古發往新疆等處者。到配年滿。派赴南路換防。每名給撒袋一副。弓一。箭三十。腰刀一。凡旗營有軍器虧缺。及箭上不刻姓名者。官兵罰俸鞭責。如所屬官兵有盜甲弓箭等項全無。及軍器虧缺朽壞者。分別名數多寡。將該管都統叅領佐領驍騎校等照例罰俸。綠營軍器。以都守為專管官。叅游為兼管官。若無故虧少。照例題叅。將

專管兼管各官分別罰俸。立限分賠。如係兼管官查出者。止令專管官獨賠。果係年久朽壞。或出師缺損。及因公動用者。准官為補造。免其處分。仍禁其藉端科累兵弁。出征病故官兵遺失軍器者。免其家屬追賠。修則限以年。八旗營及綠營修製軍械。均視地氣之燥

濕。操演之踈數。並分別器物。以定年限之遠近。各營守禦器械及救火官製之器。均限年修理。至行軍攜帶器械。應用時。歸於軍需款內製備。覈銷。其非常用者。停修存貯。凡營內軍器一有缺損。該管官即詳報上司。動工修整。務期齊全足用。如有盈餘。擇其堪用者存營。以備增補。朽壞者酌量銷燬。以免竊賣之弊。各省州縣庫貯銅鐵器械。督撫飭查有堪用之件。撥營汛抵用。

不堪用者銷鎔變價。歸製造軍器項下應用。五年查辦一次。造冊報部。凡軍械已逾應製應修年限。尚屬完固整齊者。毋庸依限修理。倘因限期已屆。冒混請修。將該員及查驗不實之上司議處。若承辦之員草率偷減。以致未屆年限已不堪用。查明不及定限之半者。責令全賠。及半以上者。按其未滿之年限。將原價作為分數。勒令賠補。其因收貯不謹損壞者。將經收之員亦按分數勒賠。大礮宜建置礮車。加謹蓋藏。以避風雨。果有損壞。詳明製造。如本營未備而別營有餘者。通融撥取。烏鎗年久不堪用者。該管官驗實重造。其舊鎗之鐵。收貯以備增造軍器。新疆屯防處所庫貯鎗礮。有損壞炸裂者。准該處報部。行令該督於各標營盈餘軍器內酌撥。交

換班官兵帶往補換。凡修理一應軍械。該管官估定價值。呈報提鎮查明。准其動項修補。完日委員查驗出結。申送提鎮。陸續移會布政使併詳督撫存案。該營於年終將存營公費及除去各項開銷現存之數。分晰造冊移司覈對。如有浮冒。駁減更正。仍詳督撫叅處。凡官弁製造緊急軍器。不依限完竣。以致遲誤者。革職。遲誤豫備軍器者。降調。修製未竣。捏報已竣者。查叅。匠役造弓箭擅改式樣。及造作草率者。治罪。至八旗官兵自備之弓箭撒袋腰刀缺少。願豫指俸餉製造者。該都統造冊送部。照定式製造給與。其工價銀兩。官員於俸銀內作四季扣還。兵丁於錢糧內作二十個月扣還。俱造入俸餉冊內。咨明戶部坐扣。其年久損壞無力修製者。亦照

此例。如官兵遇有陞遷事故。其本人舊有軍器。除官製者給與頂補之人外。若本人自造者。官員聽其自便。兵丁軍器。該管官視其利鈍。酌定價值。給與新補之兵丁。即將新補兵丁名下錢糧。限二十個月扣給舊兵。營中自備之器。亦不立修製年限。凡官兵自備及營中自備器械。皆登其名。嚴私造私毀之禁。地方有私鑄紅衣等於冊。大小礮位。併私藏私造火礮。鳥鎗。藤牌者。看守城池。倉庫等官。遺失本身器械。及在官器械者。將火藥及軍器棄毀。質當。或偷竊私賣者。私移城上備用火藥。及巡防不謹。致藥局被轟者。民間失火。延燒軍器。及汛守處所。併本管衙署。失火燒燬軍器者。將兵民及該管官等。均照例分別議處治罪。凡民間

不得製鳥鎗。其鄉村險僻之地。防虎防盜。必須鳥鎗者。如湖南辰州府屬乾州廳。鳳凰廳。永綏廳。辰谿。溆浦。沅陵。瀘溪。寶慶府屬城步。邵陽。新化。武崗州。新寧。沅州府屬芷江。黔陽。麻陽。永順府屬永順。保靖。桑植。龍山。靖州。並所屬通道。綏寧。會同。衡州府屬常寧。酃縣。永州府屬零陵。祁陽。東安。道州。寧遠。永明。江華。新田。郴州。並所屬宜章。興寧。桂陽。桂東。桂陽州。並所屬臨武。藍山。甘肅之蘭州府屬循化。河州。西寧府屬巴燕戎格。西寧。碾伯。貴德。鞏昌府屬洮州。岷州。甘州府屬撫彝。張掖。山丹。涼州府屬平番。鎮番。肅州。廣東之廉州府屬合浦。連州屬連山。廣西之桂林府屬靈川。興安。陽朔。永寧。永福。義寧。全州。灌陽。平樂府屬恭城。荔浦。富川。梧州府屬藤縣。容縣。

懷集。潯州府屬平南。南寧府屬橫州。永淳。新寧。上思。思恩府屬武緣。賓州。遷江。上林。百色。泗城。府屬凌雲。西隆。西林。鎮安府屬小鎮安。天保。歸順。奉義。山西之太原府屬岢嵐州。嵐縣。興縣。平陽府屬臨汾。洪洞。浮山。岳陽。汾西。吉州。鄉寧。汾州府屬汾陽。孝義。石樓。永寧。寧鄉。大同府屬大同。渾源。靈邱。廣靈。豐鎮廳。朔平府屬朔州。右玉。左雲。寧遠廳。澤州府屬鳳臺。陵川。陽城。遼州屬和順。沁州屬沁源。武鄉。平定州屬樂平。忻州屬靜樂。代州屬繁峙。五臺。霍州屬趙城。隰州屬蒲縣。直隸之承德府屬平泉州。灤平。建昌。豐寧。赤峯。朝陽。四川之雅州府屬天全。雅安。名山。榮經。蘆山。清溪。寧遠府屬會理。西昌。冕寧。鹽源。松潘廳。雜谷廳。茂州。汶川。保縣。酉陽州並所屬秀山。

黔江。重慶府屬璧山。敘州府屬馬邊廳。屏山。雲南之永昌府。順寧府。山東之登州府屬寧海州。河南之河南府屬登封等處地方。准照營兵鳥鎗式製造。刊刻姓名。呈官編號登冊。貴州防禦鳥鎗。無論苗民。俱令報官編號。凡地方應留之鳥鎗。有不呈報者。即以私藏論。將該管官分別次數議處。若兵丁藉稽察鳥鎗。擾害民間。亦照例治罪。而以時簡覈焉。八

軍器。五年奏請點驗一次。王公等軍器。由宗人府奏請點驗。其餘官兵軍器。由部奏。派王大臣點驗。各省駐防將軍都統等到任時。將所屬各營軍器。委官盤驗。同城限兩月。外屬限三月。各具題一次。取具該管官並無虧少。及委官並無捏飾各印結存案。年終彙題。仍將所屬各



營軍器數目造冊送部察覈彙題後如有缺額將盤驗官及該將軍等分別議處綠營軍械督撫所轄者督撫委官盤察提督所轄者提督委官盤察均取結存案年終彙題各鎮有督提統轄者盤察後加具保結送督提察覈彙題無督提統轄者即由該鎮彙題彙題時均將冊結送部查覈至營弁新舊任交代限一月將軍裝器械並無缺少出結造冊詳報督撫提鎮年終報部倘有推卸勒索等情以交代遲延論

### 凡演習各專其器

雍正五年奉

諭旨各處營伍所習武藝所用器械操演隊伍向來原無一定之例是以武弁到任往往以己所好尚素所熟悉者操演所屬兵丁間或學習未久而接任官或別有意見將從前所習

者更改調換是兵丁之技藝每視上司之去留以為轉移非訓練專精之道也凡事久則熟熟則生巧宜令各省將軍督撫提鎮因地制宜酌定規制永遠遵奉除騎射最為緊要天下通行學習外其餘各種演習悉著該上司會同通省官弁悉心斟酌應如何操練用何軍器詳悉定議奏聞令各營永遠遵行接任官不得擅自更改倘將來有應行變通之處著具題請旨定奪如此則兵丁各精其業且使一省之中彼此畫一將來或有會集調遣之處正可相資為用於訓練營伍大有裨益凡軍器專習者為弓矢為大礮為鳥鎗為藤牌兼習者為大刀為長槍為挑刀水師則有排槍鈎鐮槍標槍大斧鐵彈火箭火罐之屬直隸除騎射鳥鎗礮位畫一演習

外。宣化鎮添設藤牌兵。紫荆關改設鳥鎗兵。江南江西演習鎗礮弓矢外。水師習大刀藤牌鈎鎌槍。過船槍。鉞斧。標槍。鐵彈之屬。陸路改設鳥鎗兵。藤牌兵。浙江每兵千。分二十隊。礮為一隊。長槍五十為一隊。鳥鎗四百為八隊。弓箭三百為六隊。藤牌百為二隊。副刀為二隊。福建陸路每兵千。分二十隊。馬上弓箭四隊。步下弓箭二隊。鳥鎗十隊。礮一隊。藤牌一隊。大刀一隊。長槍一隊。水師大趕繒船兵八十。排槍四十二。中趕繒船兵六十。排槍三十。小趕繒船兵五十。排槍二十五。大船船兵三十五。排槍十六。中船船兵三十。排槍十四。小船船兵二十。排槍十。各備火藥彈子火罐火箭等物。河南駐防八旗。設子母礮兵。長槍兵。督標設藤牌兵。礮兵。大刀兵。河北

鎮標設礮兵。護礮副刀兵。南陽鎮亦如之。加藤牌兵。其馬步弓箭兵。鳥鎗兵。各營均習。山東每兵百。分十隊。鳥鎗五隊。弓箭三隊。藤牌一隊。長槍一隊。別設礮兵專演礮位。山西每兵百。分十隊。鳥鎗四隊。弓箭六隊。別設礮兵專演礮位。殺虎協設藤牌兵三百。陝西四川。除礮位鳥鎗弓箭通行演習外。馬上弓箭兵。兼習槍棒。守兵兼習副刀。其藤牌令提標守兵二百專習。廣東每兵百。二十名習弓箭。兼雙刀長槍。五十名鳥鎗。藤牌挑刀。礮各十。廣西每兵千。百名習大礮。兼牌刀。六百名鳥鎗。二百名弓箭。百名藤牌。雲南貴州亦如之。惟弓箭兵兼習弩弓。凡腹內省分。每兵千。設鳥鎗三百。沿邊沿海四百。惟福建五百。湖廣武昌鎮前後水師二營。水操不宜弓矢。

每兵千。設鳥鎗四百。又閩浙沿海州縣民壯。准其演習鳥鎗。福建官製三百八十五桿。浙江官製六百六十五桿。整明縣名字號。平時貯庫。遇操給發。操畢即收。不得私存在外。四川民壯。派十分之六演習。其鳥鎗亦遇操始給。仍令該管官隨時稽察。凡各省駐防兵。令將軍都統等。於本營內挑選數百名。演習雲梯。綠營兵。亦令督撫提鎮等。各於本標下酌挑一二十名。使之隨時演習。務臻精熟。八旗漢軍礮營。每年秋季。每旗各出制勝神威等礮九位。八旗輪出大將軍銅礮一位。共七十三位。併將各城門歸入之。渾銅紅衣得勝等礮。輪流酌撥。奏請帶往盧溝橋。演放五日。九月初一日起。初五日止。其監放大臣。由鑲黃旗漢軍都統會同各旗漢軍都統。開

列職名。奏請 欽點都統副都統各一員。併請 欽派御前侍衛 乾清門侍衛八員。恭遇 巡幸時。由留京王大臣奏 派門上侍衛八員。每旗仍各派管理礮營叅領一員。章京驍騎校各五員。監管火藥官二員。每佐領下領催一名。兵五名。礮手除該班外俱行派往。先期請礮赴盧溝橋。演放之日。祭礮畢。將礮位無論大小輕重。均各於一百步設立礮靶。演習。每礮演放十五出。中十三出者為合式。若中數不及額。欠少一二出者。礮營叅領記過一次。年終叅領分內應得紀錄。不准給予。礮手責四十棍。如少三出以上者。礮營叅領罰俸一年。仍停陞一年。礮手責八十棍。其多中一出者。礮營叅領紀錄一次。多中二出者。紀錄二次。礮手多中一

出者。賞銀一兩。二出者。賞銀二兩。俱在八旗漢軍房租款內動支。每礮每日施放三出。演畢。監放大臣將演過之礮黏封。交礮營另行存記。次年演礮時。查明將來演之礮輪換出演。不得以演過礮位充數。至內外城各門所貯神機神樞礮位。分作四門一次。以安定東便德勝西便為一次。東直廣渠西直廣寧為一次。朝陽左安阜成右安為一次。崇文永定正陽宣武為一次。秋季演礮時。每四門共出礮百位。由步軍統領衙門奏請於提督總兵內。欽派一員。將礮位運往盧溝橋。隨同八旗礮位用碎丸演放。毋庸計算成數。每屆三年。本部開列堂官。奏請欽派一人前往驗看。如應往驗看之年。適遇武會試。改於九月二十一日起。至二十五日止。演

放。



